

Sarkina Bt Mat Saad @ Shaari

From: UUM CORPORATE COMM.
Sent: Friday, October 4, 2019 9:09 AM
To: UUM - All Staff; UUM - All Students
Subject: Pelajar Perlu Manfaat Peluang Di Universiti Timba Pengalaman Baharu



UUM Corporate Comm.
Universiti Utara Malaysia

4 OKTOBER 2019 / 5 SAFAR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Muhammad Shamsul Shafie

PELAJAR PERLU MANFAAT PELUANG DI UNIVERSITI TIMBA PENGALAMAN BAHARU



UUM ONLINE: Pelajar Universiti Utara Malaysia (UUM) diingatkan untuk memanfaatkan masa pengajian di universiti dengan menimba pengalaman baharu sebelum melangkah ke dunia pekerjaan.

Profesor Adjung, Tan Sri Mokhzani Tun Mahathir berkata, masa berada di universiti adalah peluang terbaik untuk mempelajari pelbagai perkara baharu serta belajar daripada orang lain.

Menurutnya, dengan ilmu pengetahuan yang dimiliki itu kelak mampu membantu pelajar dalam bidang pekerjaan, bagaimanapun beliau berharap pelajar khususnya Melayu dapat membuang sifat malu sekiranya ingin berjaya.

"Pastikan diri masing-masing sentiasa bermotivasi dalam melakukan sesuatu pekerjaan yang disukai dan perlu berkeyakinan untuk menonjolkan kebolehan diri walau di mana berada.

"Pada masa sama, pelajari bahasa dan budaya luar apabila berada di luar negara. Paling penting belajar daripada kesusahan kerana jika seseorang itu tidak pernah melalui kegagalan atau kesusahan, dia tidak akan menghargai kesenangan atau kejayaan yang dimiliki," katanya pada Talk by Adjunct Professor bertajuk 'Winning Not Just In Malaysia, But Also Succeeding Overseas' anjuran Pusat Pengajian Antarabangsa (SOIS) di Auditorium SOIS, semalam.

Pada syarahan tersebut, beliau juga berkongsi pengalamannya sebagai ahli perniagaan dan tips untuk menarik pelanggan walaupun beliau turut pernah melalui kegagalan sebelum berjaya seperti sekarang serta bersoal jawab bersama pelajar.

Beliau yang juga Ahli Lembaga Pengarah Persatuan Permotoran Malaysia turut menyampaikan sijil dekan kepada sembilan pelajar cemerlang dan merasmikan SOIS Contributor Wall Frame sebelum melawat sekitar kampus termasuk Varsity Mall.

Pada majlis sama, Naib Canselor, Prof. Dato' Dr. Ahmad Bashawir Abdul Ghani telah menyampaikan watakah pelantikan kepada Pengurus Besar Kencana Capital, Izhar Moslim sebagai Ahli Jawatankuasa Penasihat (Industri) bagi Pengukuhan Akreditasi AACSB Untuk Bidang Perniagaan Antarabangsa, SOIS yang berkuat kuasa mulai September 2019 hingga September 2021.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.